

Vuk'uzenzele

O e tisediwa ke Ditlhaeletsano tsa Puso (GCIS)

English/Setswana

Motshaganong 2022 Kgatiso 1

Go thusa KZN le Kapa Botlhaba mo go gogolweng ke Merwalela



Photo by GCIS

Moporesidente Cyril Ramaphosa o etela batho ba ba amilweng ke merwalela kwa KwaZulu-Natal.

Allison Cooper

Puso e tlele go thusa baagi ba kwa KwaZulu-Natal le

Kapa Botlhaba ka go aga sešwa matshelo le matlo a bona morago ga merwalela e e sa tswang go feta le go tlogela dintsho le tshenyho mo

diporofenseng tsoopedi. Moporesidente Cyril Ramaphosa o rile Lefapha la Matlotlo a Bosetšhaba le tla dira gore go nne le madi

a a tla dirisediwang dikgato tsa namolo go thusa bao ba amilweng ke merwalela. "Tona ya Matlotlo o boletse gore go na le diranta di le

bilione o le mongwe tse di ka dirisiwang ka gangwe," ga rialo Moporesidente.

Moporesidente Ramaphosa gape o tla ya go Palamente go kopa didiriswa tsa tla-leletso.

Puso e dira mmogo le Letlole la Tshwaraganelo, lekala la poraefete le mekgatlho e e seng ya puso le e e ikaegileng ka baagi go thusa batswasetlhabelo.

Letlole la Tshwaraganelo le tla tlhoma akhaonto ya banka eo e tla dirisiwang ke baneedi ba Aforika Borwa le ba boditšhaba go thusa mo dikgatong tsa namolo go matlhotlhapela a merwalela.

Puso gape e tla tlamela ka diboutšhara go thusa malapa go aga sešwa dikarolo tse di senyegileng tsa matlo, go bua jalo Moporesidente.

"Tekolo e e feletseng ya ditshenyegelo tsa ditšhelete tse di bakilweng ke merwalela eno e santse e tla dirwa, fela go a bonala gore e tla fitlha go dibilione tsa diranta go aga sešwa mafaratlhatlha le tatlhegelo ya tlhagiso."

O tlaleditse ka gore madi a a beetsweng thoko a batswasetlhabelo ba merwalela a tshwanetse go fitlha go bao ba a tlhokang go gaisa.

"Go tla nna botlhokwa, jaaka re simolola tiro eno,

E tswela mo go tsebe 2



Lwantsha bosenyi, e seng batswakwa

Tsebe 3



Hemofilia e ka alafiwa

Tsebe 10



Go buisa Vuk'uzenzele tsenya epe ya GOVAPP e o ka e fithelang mo go:



Morago o batle SA Government mo go Google playstore

IKGOLAGANYE LE RONA MO GO



Vuk'uzenzele



@VukuzenzeleNews

Diwebesaete ke: www.gcis.gov.za
www.vukuzenzele.gov.za

Imeile ke: vukuzenzele@gcis.gov.za
Tel: (+27) 12 473 0103

Tshedimoseiso House:

1035 cnr Frances Baard and Festival streets, Hatfield, Pretoria, 0083

VUK'UZENZELE KE MAHALA, GA E REKISIWE

E tswela go tswa mo go tsebe 1

gore didiriswa tsotlhe tse re di kgobokanyang di diresewa maikaelelo ao di kgobokantsweng ka ntlha ya ona le go fitlhelela baamogedi ba ba umakilweng.

Ga go ne go nna le phatlha ya bonweenweee, tsamaiso e e botlhaswa kgotsa bobodu ba mofuta ope.

Dikgato tse tharo tsa tsibogelo

Moporesidente Ramaphosa o rile puso e tla tsibogela matlhotlhapelo ka dikgato di le tharo.

E tla tsempamisa mogopolo go namolo ya ka bonako ya batho, e netefatsa gore mongwe le mongwe yo o amegileng o babalesegile le go nna le ditlhoko tsa motheo.

“Sa bobedi, re tla tsempamisa mogopolo mo go tlhomamiseng le mo go busetseng seemo manong, go naya batho bao ba latlhegetsweng ke magae matlo le go busetsa tlamelo ya ditirelo,” a rialo.

Sa boraro, re tla tsempamisa mogopolo go kagosewa,” a rialo.

Kgato ya kagosewa le go aga e tla akaretsa kago ya matlo mo mafelong a a siametseng go aga.

Lefapha la Mafelobonno a Batho le setse le simolotse ka tshekatsheko ya ditshe-nyegelo go matlo go ralala porofense.

“Tiro ya ka bonako ke go batlela batho bao ba tlogedisitsweng magae a bona ke merwalela manno mme dipaakanyo tsa go tlamela ka diyuniti tsa nakwano tsa bonno di setse di tswelsetse,” ga rialo Moporesidente Ramaphosa.

Lefapha la Ditiro tsa Setshaba le Mafaratlhatlha le batlana le lefatshe la puso leo le leng maleba go ka dirisediwa khudugelo.

Tshenyo e tseneletseng

Dipula di bakile tshenyo e e tseneletseng go matlo;

dikgwebo; ditsela le maborogo; metsi, motlakase, mafaratlhatlha a seporo le a tlhaeletsano. Dikolo, mafelo a boitekanelo, diteišene tsa mapodisa le dikgotlatshekelo tsa bommagiseteraa le tsona di amegile, gammogo le ditlamelo tsa lookwane le dijo.

“Go lekanyeditswe gore go amegile barutwana ba feta 270 000, mme dikolo di feta 600 di senyegile, di le 16 tsa tsona ga di kgone go fitlhelwa ka ntlha ya go senyega ga ditsela le maborogo a a lebisang koo.

“Mafelo a boitekanelo a botlhe a le 66 a amegile, le fa tota go nnile le kgoreletso e e kwa tlase ya ditirelo tsa boitekanelo go bontsi ba didika tse di amegileng,” go rialo Moporesidente.

Tiro e kgolo e setse e tswelsetse go busetsa ditirelo tsa motheo mo dikgaolong tse di farologaneng tsa KZN.

Batho ba feta 400 ba latlhegetsweng ke matshelo a bona kwa KZN mme bontsi jwa batho ba santse ba latlhegile.

Go begilwe loso lwa motho a le mongwe kwa Kapa Botlhaba.

Matlo a feta 4 000 a senyegile mme a le 8 300 ga a senyega gotlhelele, mme seo se tlogela batho ba le 40 000 ba sena matlo.


Moporesidente o rile Tirelo tsa Sepodisi sa Aforika Borwa (SAPS) le Sesole sa Tshireletso sa Aforika Borwa (SANDF) ba ntse ba eteletse pele dikgato tsa patlo le phaloso.

Seno se akaretsa go romelwa ga badiri ba SAPS, ditlhopha tsa bathumi le mekorwana e e farologaneng, dihelikoptara le difofane tse dinnye go ya go bontsi ba dikgaolo tse di amegileng.

“Sefofane go tswa kwa SANDF se ntse se dirisediwa go falosa le go isa ditlamelo tsa namolo - tse di jaaka dijo, metsi, ditente le dikobo - go batho ba ba kwa mafelong a a sa kgoneng go fitlhelwa.



■ Dipula di bakile tshenyo e e tseneletseng go matlo; dikgwebo; ditsela le maborogo; mafaratlhatlha a metsi le motlakase.



“Ke neile SANDF tetla ya go tliša badiri ba bangwe, bodutelo ba metsi le ditlamelo tsa phepafatso le ditlhopha tsa baenjeneri go thusa ka go busetsa tirelo ya motlakase le metsi,” Moporesidente a rialo.

Mafapha a puso kwa maamong a bosetshaba le a porofense; bommasepala; mekgatlo e e seng ya puso le dikgwebo di ntse di neelana ka didiriswa tsa motheo tsa namolo tse di jaaka dijo, dikobo, dimaterase, diaparo, melemo

ya malwetsi a a sa foleng, dilwana tsa go tlhapa le didiriswa tsa go apaya.

Go sa le gale Kabinete e ne ya goeletsa Maemo a Naga a Matlhotlhapelo go tsibogela merwalela.

Moporesidente o tlhalositse merwalela jaaka matlhotlhapelo a a tlhokang “dikgato tsa namolo tse di tseneletseng e bile di le bonako.”

“Matshelo, boitekanelo le kemopholo ya diketekete tsa batho di santse di le mo kotsing. Merwalela e bakile

tshenyo e e kwa godimo go ikonomi le loago,” a rialo.

Boemelakepe jwa Durban, jo bo leng botlhokwa go ikonomi ya Aforika Borwa e bile e le bongwe jwa maemelakepe a magolo e bile bo tlhanasela go gaisa mo kontinenteng, bo amegile thata.

Botlhokwa jwa Boemelakepe ba Durban le mafaratlhatlha a a amanang nabo tebang le tiragatso e e nonofileng ya ikonomi ya naga go kaya gore matlhotlhapelo ano a na le ditlamorago tse seabe sa tsona se seng kwa KZN fela, ga rialo Moporesidente.

Go setse go dirilwe tswelopele mo ditragatsong tsa go busetsa ditiro kwa Boemelakepe jwa Durban. Go bulwa ditsela tse dingwe gore dillori di kgone go fitlhelwa boemelakepe le go phepafatsa matlakala mo boemelakepeng.



government communications

Department: Government Communication and Information System
REPUBLIC OF SOUTH AFRICA

Tel: 012 473 0353

Email: vukuzenzele@gcis.gov.za

Address: Private Bag X745, Pretoria, 0001

Head of Editorial and Production

Regomoditswe Mavimbela
Regomoditswe@gcis.gov.za

Editor-in-Chief

Tyrone Seale | Tyrone@gcis.gov.za

Managing Editor

Irene Naidoo | irene@gcis.gov.za

News Editor

Noluthando Motswai

Writer: More Matshediso

Graphic Designers

Tendai Gonese | Benny Kubjana

Production Assistants

Jauhara Khan | Sebastion Palmer

Language Practitioners

Nomgcibelo Motha | Boitumelo Phalatse
Thandolunye Magudulela | Sizwe Ziqubu

All rights reserved. Reproduction of the newspaper in whole or in part without written permission is strictly prohibited.

Vuk'uzenzele
is published by Government Communications (GCIS)




Printed by:



Distributed by:





Lwantsha bosenyi, e seng batswakwa



Dingwaga di le 25 tse di fetileng, Molaotseo wa rona o montshwa wa temokerasi o ne wa tsena mo tirisong. Ka go amogela Molaotseo o, re netefaditse maitlamo a rona go setshaba se se ikaegileng ka meono ya temokerasi, bosiamisi jwa loago le ditshwanelo tsa botho.

Re ne gape re ikgolola ka botlalo go tswa mo maitemogelong a rona a a fetileng. Seno e ne e le maitemogelo a tsamaiso ya loago e e neng e ikaegile ka bosemorafe, e e neng ya itshupa ka taolo ya motsamao wa batho, go beelana ditiro, mafelo a ditlhophatse di rileng, le dipasa tse di neng di tshabiwa.

Fa borraarona ba ne ba thala Tshata ya Kgololosego ka 1955, eo metheo ya yona e tsentsweng mo Molaotseong wa rona, le go itsise gore Aforika Borwa ke ya botlhe ba ba tshelang mo go yona, ba ne ba batla setshaba se se gololosegileng go tswa go

ditlwaelo tsa bosemorafe, bomorafe, kgethololo go ya ka lotso le bong.

Ke ka moo go utlwisang botlhoko thata go bona ka moo ditiragalo tsa sešweng tsa go nna kगतलhanong le batswakwa mo dikarolong tsa naga e le poeletso ya ditiragalo tse di fetileng tsa nako ya tlhalele.

Re bone baagi ba poraefete ba emisa batho mo mebileng le go ba pateletsa go tlhagisa makwaloitshupo go netefatsa maemo a bona a bofaladi. Re bone baeteledipele ba sepolotiki ba bangwe ba bolela dipuo tse di senang bopaki bope ka ga batswakwa le go dirisa botlhaswa dingongorego tsa batho go ingokela balatedi ba bangwe.

Re bone megwanto go ya kwa matlong a batho le mafelo a bona a phuruphudiwa go batliwa bopaki ba ditiro tsa bosenyi. Re bone batho ba tlhaselwa, ba utlwiwiwa botlhoko le gona go bolawa gonne ba lebeba kgotsa gonne ba bua ka

mokgwa o o rileng.

Eno ke tsela e bagateledi ba tlhalele ba neng ba dira ka yona.

Ba boletse fa bangwe ba batho ba ka tshela fela mo mafelong a a rileng, ba dira dikgwebo tse di rileng kgotsa ba dira ditiro tse di rileng. Ka fa tlase ga puso ya tlhalele, batho bantsho ba ne ba tsewa e le babelaelwa ka gore fela ba bantsho le go emisiwa ke mapodisi fa ba fitlhelwa mo mafelong ao a neng a bidiwa a basweu. Batho bantsho ba ne ba patelediwa go tlhagisa dipasa mme fa ba sa di tshola, ba ne ba isiwa kgolegolong.

Re ka se letle ditshiamololo tse di jalo go direga gape.

Ditiragalo tsa sešweng tsa kwa motsesetoropo wa Diepsloot kwa Gauteng ke tse di neng di utlwiwa botlhoko. Mo sebakeng sa mafelo a beke e le nngwe, batho ba le supa ba ne ba bolawa, mme seo se ne sa baka ditshupetso. Tatlhegelo ya botshelo e utlwiwa botlhoko, fela jaaka go bolaiwa ga Moaforika yo o tswang kwa Zimbabwe ka diatla tsa ba go tweng ba sireletsa setshaba.

Bosenyi ke bothata jo bo masisi mo nageng eno. Bo ama baagi botlhe e bile batho ba lapile go tshela ba boifa dinokwane.

Go na le seo se builweng ke dingwe tsa ditlhophatse di kगतलhanong le bofaladi le batho ba bangwe, batlolamolao ba bosenyi ke batho bantsho le basweu, banna le basadi, batswakwa le baagi.

Bosenyi, e seng batswakwa, ke sera sa rona botlhe mme re tshwanetse go dira mmogo go se fenywa.

Re ka se fenywa bosenyi ka tshusumetso, tirisodikgoka,

matshosetsi le go itseela molao mo matsogong ka go tlhasela batswakwa, bogolosegolo baditshaba go tswa kwa dinageng tsa Aforika.

Re amogela gore baagi ba le bantsi ba na le ketsaetsego ka ntlha ya go retelelwa go go bonalang ga sepodisi go mekamekana le disenyi.

Gareng ga dikgato tse re di tsayang go thusa sepodisi ke go thapa mapodisi a tlaletso a le 12 000.

Gape re tlhoma gape diforamo tsa sepodisi sa baagi go ralala naga. Diforamo tseno di tliša dikemedi tsa baagi le mapodisi mmogo go tokafatsa pabalesego ya selegae le go rwesa sepodisi maikarabelo.

Le fa tota re oketsa ntwaga ya rona kगतलhanong le bosenyi, ga go na lebaka le le utlwalang la batho ba ba itseelang molao ka bobona.

Ka nako e le nngwe, re lemoga gore go fuduga go go seng mo molaong go baka kotsi go pabalesego, tsepamo le tswelopele ya ikonometri ya Aforika Borwa.

Khudugo e e seng mo molaong e ama thebolo ya ditirelo le go baya mokgweleo wa tlaletso go ditirelo tsa botlhokwa tse di jaaka boitekanelo le thuto.

Jaaka naga e nngwe le e nngwe e e gololosegileng, re na le tshwanelo ya go tsenya tirisong dipholisi le dikgato tse di tla netefatsang boleng jwa melelwane ya rona, go sireletsa ditshwanelo tsa Maaforikaborwa le go tlamela ka gore botlhe bao ba nnang mo teng ga melelwane ya rona ba na le tshwanelo ya semolao go nna fano.

Go laola dikhudugo ke maikarabelo a puso.

Ga go moagi ope wa

poraefete yo o ka tsayang karolo ya bothati jwa bofaladi kgotsa jo bo diragatsang molao ka go pateletsa batswakwa go tlhagisa boitshupo.

Ka fa tlase ga Karolo 41 ya Molao wa Bofaladi, ke fela leloko la sepodisi kgotsa motlhankedi wa bofaladi yo o ka kopang mongwe go itshupa jaaka moagi, monni wa leruri kgotsa motswakwa.

Fa batlhankedi bano ba dumela, ka lebaka le le utlwalang, gore motho o mo nageng e se ka fa molaong, a ka tshwarwa fa go santse go dirwa dipatlisiso ka ga maemo a gagwe. Ka go dira jalo, bothati jwa molao bo tshwanetse go tlotla ditshwanelo le seriti sa motho yoo.

Go tsenngwa tirisong ga molao wa khudugo ke ntlha e e kwa godimo ya puso.

Re dira go netefatsa gore digongwana tse di dirang bofereferere jwa bofaladi ba dirisana le batlhankedi ba ba senang nnete ba a sekisiwa.

Jaaka dikgwebo tse dingwe, dikgwebo tsa batswakwa di tshwanetse go obamela melao e e maleba, go akaretsa melao ya boitekanelo le pabalesego, di nne le diphemiti le dilae-sense tse di batlegang, le go duela makgetho a a maleba.

Re temokerasi e e theilweng ka taolo ya molao.

Ditiro tse di tlhokang molao tse di lebisitsweng kwa baaging ba dinaga di sele, go sa kgathalesege gore ba na le makwalo a kwadiso kgotsa ga ba na makwalo a kwadiso, ga di kitla di letlelelwa.

Gompieno, re ka tswa re lwa le baagi go tswa kwa Zimbabwe, Mozambique, Nigeria kgotsa Pakistan. Kamoso, re ka lwa serona.

A re samaganeng le go fenywa bosenyi, go sa kgathalesege gore ke mang yo o bo dirang.